

南  
北  
史  
合  
注

欽定四庫全書

南北史合注卷十二

明 李清 撰

列傳第一

南史十二

后妃上

宋武帝母趙太后 繼母蕭太后

武帝臧皇后 武帝張夫人

文帝母胡太后 少帝司馬皇后

文帝袁皇后

潘淑妃

武帝母路太后

明帝沈太后

孝武王皇后

宣貴妃

前廢帝何皇后

明帝王皇后

後廢帝母陳太妃

後廢帝江皇后

順帝陳太妃

順帝謝皇后

齊高帝母陳太妃

順帝謝皇后

武帝裴皇后

文帝王皇后

壽林王何妃

海陵王王妃

明帝劉皇后

東昏褚皇后

潘貴妃

和帝王皇后

六宮位號前代不同晉武帝采漢魏之制置貴嬪夫人  
貴人是為三夫人位視三宮淑妃淑媛淑儀修華修容  
修儀婕妤容華克華是為九嬪位視九卿其餘有美人  
才人中才人爵視千石以下宋武帝省二才人餘仍用  
晉制按貴嬪曹魏文帝所制夫人魏武初建魏國所制  
貴人漢光武所制淑妃曹魏明帝所制淑媛曹魏文帝

所制淑儀修華皆晉武帝所制修容曹魏文帝所制修儀曹魏明帝所制婕妤容華前漢舊號充華晉武帝所制美人漢光武所制及孝武孝建三年省夫人置貴妃位比相國進貴嬪比丞相貴人比三司以為三夫人又置昭儀昭容昭華以代修華修儀修容又置中才人充衣以為散位按昭儀漢元帝所制充衣孝武所制昭華曹魏明帝所制中才人晉武帝所制充衣前漢舊制及明泰始二年省淑妃昭華中才人充衣復置修儀修華

修容才人良人三年省省貴人置貴姬以備三夫人之  
數又置昭華增淑容承徽列榮以淑媛淑儀淑容昭華  
昭儀昭容修華修儀修為九嬪嬪嬖嬖容華充華承徽列  
榮凡五職亞九嬪吳人才人良人三職為散役其後帝  
留心後房擬百官備置內職及齊高帝建元元年有司  
奏置貴嬪夫人貴人為三夫人修華修儀修容淑妃淑  
媛淑儀嬖嬖容華充華為九嬪吳人中才人才人為散  
職三年太子宫置三內職良姊比開國侯保林比五等

侯才人比駙馬都尉及永明元年有司奏貴妃淑妃宜加金章紫綬佩于真玉淑妃舊擬九棘以淑為溫恭之稱妃為亞后之名進同貴妃以比三司夫人之號不殊藩國降淑媛以比九卿七年復置昭容位在九嬪馬梁武撥亂返正深鑒奢逸配德早終長秋曠位定令制貴妃貴嬪貴姬為三夫人淑媛淑儀淑容昭華昭儀昭容修華修儀修容為九嬪婕妤容華充華承徽列容為五職美人才人良人為三職東宮置良娣保林為二職及

簡文孝元出自儲藩或迫在拘繫或逼於寇亂且妃並  
先殂更不建椒闈陳武光膺天歷以朴素自居故後宮  
員位其數多闕文帝天嘉之後詔宮職備員其所制立  
無改梁舊編之令文以為後法然帝性恭儉而嬪嬙不  
備宣帝後主無所改作令總綴緒以立此篇

宋孝穆趙皇后諱安宗下邳僮人父裔平原太守后以  
晉穆帝升平四年嬪於孝帝產武帝殂於丹徒宮合葬  
晉陵丹徒縣東鄉練壁里雩山宋初追崇號諡陵曰興



寧永初二年有司奏東鄉裔光祿大夫加金章紫綬裔命婦孫氏封豫章郡建昌縣君其年又追封裔臨賀縣侯裔子倫之自有傳

孝懿蕭皇后諱文壽蘭陵人父卓字子略洮陽令后為孝帝繼室生長沙王道憐臨川王道規義熙七年拜豫章公太夫人武帝為宋公宋王又加太妃太后魏帝踐阼尊曰皇太后居宣訓宮帝以恭孝為行奉太后素謹及即位春秋已高每旦朝太后未嘗失時刻

宋書禮志曰武帝崩蕭太后倣晉李太后服孝武故  
事制三年服

少帝即位加崇曰太皇太后景平元年崩于顯陽殿年  
八十一遺令漢世帝后陵皆異處今可於塋域內別為  
一壙一遵往式乃開別壙與興陵合墳初武帝徵時貧  
約過甚孝皇殂葬禮多闕故帝遺旨太后百歲後不許  
祔葬至是故稱后遺令云卓初與趙氏俱贈金紫光祿  
大夫又追封封陽侯妻下邳趙氏封吳郡壽昌縣君卓

子源之襲爵源之見子思話傳

武敬城皇后諱愛親東莞人父雋郡功曹后適武帝生  
會稽宣長公主與弟帝以儉正率下后恭敬不違

宋書曰高祖興復重居上相后器服粗疎不為親屬  
請謁

義熙四年正月甲子殂於東城年四十八追贈豫章公  
夫人還葬丹徒帝臨崩遺詔留葬建鄴於是備法駕迎  
梓宮祔葬初寧陵追贈偁金紫光祿大夫妻高察叔孫

氏封永陵平鄉君偁子素素並有傳

武帝張夫人諱闕不知何許人生少帝及義興恭長公主惠媛永初元年拜夫人少帝即位有司奏上尊號為皇太后宮曰永樂少帝廢太后還璽綬隨居吳郡文帝元嘉元年拜營陽國太妃二年薨

文帝胡太后諱道安淮南人義熙初為武帝所納生文帝五年被譴賜死年四十二葬丹徒武帝踐阼追贈嬖好文帝即位有司奏上尊號曰章皇太后陵曰熙寧立

廟建鄴少帝司馬皇后諱茂英晉恭帝女初封海鹽公主少帝以公子尚馬宋初拜皇太子妃少帝即位為皇后元嘉元年降為營陽王妃又為南豐王太妃十六年

薨

文元袁皇后諱齊媯陳郡陽夏人左光祿大夫湛之庶女母賤后年五六歲方見舉後適文帝初拜宜都王妃生子邵東陽獻公主英娥帝待后恩禮甚篤袁氏貧薄后每就帝求錢帛時之帝性儉所得不過三五萬三五

十匹後潘淑妃有寵愛傾後宮咸言求無不得后聞之  
未信乃因潘求三十萬錢與家以觀帝意宿昔便得因  
恚恚恨托病不復見帝既而怏怏成疾

宋書曰上每入必避它處數掩伺之不能得諸皇庶  
子問訊后未嘗視

元嘉十七年疾篤帝執手流涕問所欲言后視帝良久  
乃引被覆面崩于顯陽殿帝甚悼痛之詔前永嘉太守  
顏延之為哀策文甚麗

宋書載辭曰龍輶纒綉容翟結駢皇塗昭列神路幽  
嚴皇帝親臨祖饋躬瞻宵載飾遺儀於旅想徂徂音  
乎珩珮悲黼筵之移御痛暈禴之重晦乃命史臣誄  
德述懷其辭曰倫昭麗昇有物有憑圓精初鑠方祗  
始凝昭武世族祥發慶膺秘儀景胄圖光玉繩昌輝  
在陰柔明將進率禮蹈和稱詩納順爰自待年金聲  
夙振亦既有行素章增絢象服是加言觀惟則俾我  
王風始基嬪德蕙問川流芳猷洲塞方江泳漢再證

南國伊昔不造洪化中微用集寶命仰陟天機擇位  
公宮登耀紫闈欽若皇姑允迪前徽孝遠寧親敬行  
宗祀進思才淑傍綜圖史發音在咏動容成紀壺政  
穆宣房樂昭理坤則順成星軒潤飾德之所屆惟深  
必測下節震騰上清眇側有來斯雍無思不極謂道  
輔仁司化莫斲象物方臻祇禋告沴大和既融收華  
委世蘭殿長陰椒塗弛衛嗚呼哀哉戒涼在律杪秋  
即窈霜夜流唱曉月升魄八神誓引五輅遽迹敷敷



儲嗣哀哀列辟洒零玉墀雨血丹掖撫存悼亡感今  
懷昔嗚呼哀哉南背國門北首山園僕人素卸服馬  
願轅遙酸紫蓋眇泣素軒滅綵清都夸休壽原邑野  
淪藹戎夏悲催來芳可述往駕弗援嗚呼哀哉

及奏帝自益撫存悼亡感今懷昔八字以致意焉有司  
奏謚宣皇后詔謚曰元初后生幼自詳視之使馳白帝  
曰此兒形貌異常必破國亡家不可舉便欲殺之帝狼  
狽至后殿戶外手扱幔禁之乃止后亡後常有小小靈

應明帝所生沈美人嘗以非罪見責應賜死後后昔所  
住徽音殿前度此殿有五間自后崩後常閉美人至殿  
前流涕大言曰今日無罪就死先后若有靈當知之殿  
戶應聲豁然開職掌者遽白帝帝驚往視之美人乃得  
釋初文帝即位后父湛之誼敬公大明五年孝武又詔  
追贈后生母王夫人為豫章郡新淦平樂鄉君又詔袁  
敬公平樂鄉君墓先未給塋戶各給塋戶三以供灑掃  
后父湛之自有傳

潘淑妃本以貌進始未見賞帝好乘羊車經諸房淑妃每裝飾褰帷以候密令左右以鹹水灑地帝每至戶羊輒舐地不去帝曰羊乃為汝徘徊况人乎於此愛傾後官餘事見太子幼始興王濬傳

孝武昭路太后諱惠男丹楊建康人以色貌選入後宮生孝武帝拜為淑媛及年長無寵常隨孝武出藩孝武即位有司奏奉尊號曰太子宫曰崇憲太后居顯陽殿帝於閨房內禮敬甚寡有所御幸或留止太后房內故

民間咸有醜聲宮掖事秘亦莫能辨也孝建二年追贈  
太后父興之散騎常侍興之妻餘杭縣廣昌鄉君大明  
四年太后弟子撫軍參軍瓊之上表自陳有司承旨奏  
贈瓊之父道慶給事中瓊之及弟休之茂之並居顯職  
太后故預政事賜與瓊之等財物家累千居處器服與  
帝相侔大明五年太后隨帝巡南豫州妃主以下並從  
廢帝立號太皇太后明帝踐阼號崇憲太后初明帝少  
失所生為太后所攝養撫愛甚篤及即位供奉禮儀不

異舊日有司奏宜別居外宮詔欲親奉晨昏盡權閤禁  
不如所奏及聞義加難作太后心幸之延帝飲酒置毒  
以進侍者引帝衣帝寤而起以其卮上壽是日崩秘之  
喪事如禮遷殯東宮題曰崇憲宮又詔述太后恩慈特  
齊哀三月以申追遠

宋書載詔曰朕幼集荼蓼夙憑德訓有兼常慕夫禮  
沿情施義隨事立可特齊哀三月以伸追仰

諡曰昭皇太后莫孝武陵東南號修寧陵先是晉安王

子勛未平巫者謂宜開昭太后陵毀去梓宮

宋書無毀去梓宮四字不知南史何據

以厭勝修復倉卒不得如禮帝性忌慮將來致災秦始  
四年夏詔有司曰崇憲昭太后修寧陵地大明之世久  
所孝卜前歲遭諸藩之難禮從權宜未暇營改而塋隧  
之所山原卑陋

宋書曰朕早蒙慈遇情禮兼常終始之義載彰幽顯  
可就巖山左右更擇吉地明審龜筮須選令辰

式遵舊典以禮改創有司奏請修寧陵玄宮補葺毀壞  
權施油殿暫出梓宮事畢即寔詔可

宋書曰太宗初廢幼主欲悅太后心乃以令書進太  
后弟休之茂之等官及即位又遷休之司徒從事中  
郎茂之桂陽王休範鎮北諮議參軍已害世祖諸子  
因此臨休之等有其諸子

廢帝景和中又追贈興之侍中金紫光祿大夫於孝侯  
道慶光祿大夫開府儀同三司諡敬侯道慶女為皇后

以休之為侍中

明宣沈太后諱容姬不知何許人為文帝美人生明帝  
拜嬪好元嘉三十年卒年四十葬建康莫府山孝武即  
位追贈湘東國太妃明帝即位有司奏上尊號為皇太  
后諡曰宣陵號崇寧

孝武文穆王皇后諱憲嫔琅琊臨沂人元嘉二十年拜  
武陵王妃生廢帝豫章王子尚山陰公主楚玉臨淮康  
哀公主楚佩皇女楚琇康樂公主修明孝武在藩后甚



寵異及即位立為皇后大明四年后率六宮躬桑于西郊皇太后觀禮妃主以下並加班賜廢帝即位尊曰皇太后宮曰永訓其年崩于含章殿年三十八祔葬景寧陵父偃別有傳

殷淑儀南郡王義宣女麗色巧笑義宣敗後帝密取之寵冠後宮假姓殷氏左右宣泄者多死故當時莫知所出及卒帝常思見之遂為通替棺欲見輒引替起屍如此積日形色不異追贈貴妃諡曰宣及葬給輿轝車虎

賁班劍鑿輅九旒黃屋左轟前後部羽葆鼓吹

魏書島夸傳曰山池雲風之屬皆裝以衆寶繡帷珠  
帶重鈴疊旣儀服之盛古今少有

帝自於南掖門臨過喪車悲不自勝左右莫不掩泣帝  
痛愛不已精神罔罔頗廢政事每寢先於靈牀酌奠酒  
飲之既而慟哭不能自反又諷有司奏曰據春秋仲子  
非魯惠公元嫡尚能考別宮今貴妃天秩崇班理應創  
新乃立別廟於都下時有巫者能見鬼說帝言貴妃可

致帝大喜令召之少頃果於帷中見形如平生帝欲與  
言默然不對將執手奄然便歇帝尤哽恨擬李夫人賦  
寄意謝莊作哀策文奏之帝卧覽讀起坐流涕曰不謂  
當今復有此才都下傳寫紙墨為貴或云貴妃是殷琰  
家人入義宣家義宣敗入宮云

前廢帝何皇后諱令婉廬江潯人孝建三年納為皇太  
子妃大明五年薨于東宮徽光殿諡曰獻妃廢帝即位  
追崇曰獻皇后明帝踐阼遷后與廢帝合葬龍山北后

父瑀字幼玉晉尚書左僕射澄曾孫瑀尚武帝少女豫  
康長公主諱次男公主先適徐喬美容色聰敏有智數  
文帝世禮待特隆瑀豪競與平昌孟靈休東海何勗等  
並以輿馬相尚公主與瑀情愛隆密何氏疎戚莫不霑  
被恩禮瑀位右衛將軍主薨瑀情愛孝武追贈瑀金紫  
先祿大夫子邁尚文帝第十女新蔡公主諱英媚邁少  
以貴戚居顯官好犬馬馳逐多聚才力士位南濟陰太  
守廢帝納公主於後宮偽言薨殞殺一婢送出邁弟殯

莽行喪禮常疑邁有異圖邁亦招聚同志欲因行廢立  
事覺見害明帝即位追封建寧縣侯瑀兄子衍性躁動  
位黃門郎拜竟求司徒司馬復求太子右率拜右司拜  
一二日復求侍中旬日間求進無已不得侍中以怨罵  
賜死

明恭皇皇后諱貞風琅琊臨沂人初拜淮陽王妃明帝  
改封又為湘東王妃生晉陵長公主伯姁建安早公主  
伯媛明帝即位立為皇后帝嘗宮內大集裸婦人觀之

以為歡笑后以扇鄣面獨無所言帝怒曰外舍家寒乞  
今共作笑樂何獨不視后曰為樂之事其方自多豈有  
姑姊妹集聚而裸婦人形體以此為樂外舍為歡與此  
不同帝大怒令后起后兄揚州刺史景文以此事語從  
舅陳郡謝綽曰后在家傳弱不知今段剛正如此廢帝  
即位尊為皇太后宮曰弘訓廢帝失德太后每加勗譬  
始猶見順後狂愚稍甚太后嘗賜帝玉柄毛扇帝嫌毛  
扇不華欲加醜害令太醫煮藥左右止之曰若行此事

官便作孝子豈得出入狡獪帝曰汝語大有理乃止順  
帝即位齊高帝執權宗室劉縉卜伯興等有異志異志  
太后頗與相關順帝禪位太后與帝遜于東邸遷居丹  
陽宮拜汝陰王太妃順帝殂于丹陽更立第都下建元  
元年薨于第年四十四追加諡葬以宋禮后父僧朗別  
有傳

後廢帝陳太妃諱妙登丹陽建康屠家女孝武嘗使尉  
司乘訪人間子女有色者太妃家在建康居有草屋兩

三問帝出行問尉曰御道那得此草屋當由家貧賜錢  
三萬今起瓦屋尉自送錢與之家人並行唯太妃在家  
明年十二三尉見其美即白孝武迎入宮在路太后房  
內經二年再呼不見幸太后因言於帝以賜明帝始有  
寵一年哀歌賜李道兒尋又迎還生廢帝先是民間言  
明帝不男故皆呼廢帝為李氏子廢帝後每微行自稱  
李將軍或自謂李統明帝即位拜貴妃秩同皇子廢帝  
踐祚有司奏上尊號曰皇太妃與服如晉孝武李太妃



故事宮曰弘化置家令一人改諸國太妃曰太姬昇明初降為蒼梧王太妃

後廢帝江皇后諱簡珪濟陽孝城人太始五年明帝訪太子妃而雅信小數名家女多不合江氏雖華於而後父祖並亡弟又弱小以下筮吉故為太子納之六年拜皇太子妃諷朝士州郡皆獻物多者將直百金始興太守孫奉伯止獻琴書外無餘物帝大怒封藥賜死既而原之太子即位立為皇后帝既廢降后為蒼梧王妃祖

既深自有傳

順陳太妃諱法容丹陽建康人明帝素肥晚年廢疾不能內御諸弟姬人懷孕輒取入宮及生男皆殺其母與六宮所愛者養之順帝桂陽王休範子以陳昭華為母明帝崩昭華拜安成王太妃順帝即位進為皇太妃已禪位去皇存太妃號

順謝皇后諱梵境陳郡陽夏人右光祿大夫莊孫女父賜車騎功曹昇明二年立為皇后順帝禪位降為汝陰

王妃祖莊自有傳

齊宣孝陳皇后諱道止臨淮東陽人魏司徒矯之後后  
家貧少勤織作家人矜其勞或止之后終不改嫁宣帝  
宣帝有庶子衡陽王道度始安王道生而后高高帝高  
帝年二歲乳人乏乳后夢人以兩甕麻粥與之覺而乳  
驚因此豐足宣帝從任在外后常留家有相者謂后曰  
夫人有貴子惜不見耳后數曰我三子誰當應之呼高  
帝小字曰政應是汝耳宣帝殂後后親執勤婢使有過

皆恕而不問高帝雖從宦家業本貧為建康令時明帝  
冬月猶無鱸鱸而奉膳甚厚后每撤去魚肉曰於我過  
矣殂于縣舍昇明二年追贈竟陵公國太夫人齊國建  
為齊國太妃並密印畫青綬祠以太牢建元元年追尊  
孝皇后贈外祖父榮之金紫光祿大夫諡敬侯后母胡  
氏為永昌縣靖君永明九年詔太廟四時祭宣帝薦起  
麵餅鴨臠孝后薦笋鴨卵脯醬炙白肉高帝薦肉膾菹  
羹昭后薦茗糲炙魚並生平所嗜也

高昭劉皇后諱智容廣陵人祖玄之父壽之俱員外部  
后母桓氏夢吞玉勝生后時有紫光滿室以告壽之壽  
之曰恨非是男桓笑曰雖女亦足與家矣后寢卧見有  
羽蓋蔭其上家人試察之常見其上掩藹如雲氣年十  
七裴方明為子求婚酬許已定后夢見先有迎車至猶  
如常家迎法后不肯去次迎至龍旂豹尾異常后喜而  
從之已與裴氏不成婚竟嬪於帝嚴整有執度造次必  
依禮法生太子及豫章王蕤太子初在孕后嘗歸寧遇

家奉祠爾日陰晦失曉舉家狼狽共營祭食后助炒胡  
麻始復內薪未及索火火便自燃宋泰豫元年殂歸葬  
宣帝墓側則泰安陵也門生王清與墓工始下挿有白  
兔跳起尋之不得及墳成兔還栖其上昇明二年贈竟  
陵公國夫人三年贈齊國妃印綬齊建元元年尊諡昭  
皇后二年贈后父壽之金紫光祿大夫母桓氏上虞都  
鄉君

武穆裴皇后諱惠昭河東聞喜人父璣之左軍參軍后

少與豫章王蕤妃庾氏勤女工奉氏勤女工奉事高昭  
后恭謹不倦后不能及故不為舅姑所重武帝亦薄之  
性剛嚴竟陵王子良妃袁氏布衣時有過后加訓罰昇  
明三年為齊世子妃建元元年為皇太子妃二年后薨  
謚穆妃葬休安陵時議欲立石誌王儉曰石誌不出禮  
起宋元嘉中顏延之為王球石誌素族無銘策故以紀  
行自爾以來共相祖習儲妃之重禮絕恒例既有哀策  
不頌石誌從之武帝即位追尊皇后贈父璣之紫金光

祿大夫后母檀氏餘杭廣昌鄉元君舊顯陽昭陽二殿  
太后皇后所居也永明中無太后皇后羊貴嬪居昭陽  
二殿太后妃居昭陽殿東寵姬荀昭華居風華柏殿宮  
內有御居壽昌畫殿南閣置白鷺鼓吹二部乾光殿東  
西頭置鐘磬兩箱皆宴樂處也帝數遊幸諸苑園載宮  
人從後車宮內深隱不聞端門鼓漏聲置鍾於景陽樓  
上應五鼓及三鼓宮人聞鍾聲早起裝飾

齊書曰至今鍾聲惟應五鼓及三鼓



車駕數幸琅琊城宮人常從早發至湖北埭鷄始鳴故  
呼鷄鳴埭云時有婦人吳郡韓蘭英工文辭宋孝武時  
獻中興賦被賞入宮宋明帝時用為宮中職僚及武帝  
以為博士教六宮書學以其年老多識呼韓公

文安王皇后諱寶明琅琊臨沂人父暉之太宰祭酒宋  
世高帝為文惠太子納后生鬱林王建元元年為南郡  
王妃四年為皇太子妃無寵太子宮人製新麗衣裳及  
首飾而后生帳陳故古舊釵銷十餘枚永明十一年為

皇太子太妃鬱林即位尊為皇太后稱宣德宮置男左  
右三十人前代未有也贈后父尋之金紫光祿太夫母  
桓氏豐安縣君其年十二月備法駕謁太廟明帝即位  
出居鄴陽王殿故第為宮德宮永元二年梁武帝定建  
鄴迎入宮后稱制及禪位遜居外宮梁天建十一年殂  
葬崇安陵諡曰安后祖詔之有傳

鬱林王何妃諱婧英廬江潯人撫軍將軍戴女初將納  
為南郡王妃文惠太子嫌戴無男門孤不欲與婚王儉

以南郡王為妃為將來外戚唯須高胄不須強門今何氏蔭華族弱寔允外戚之義永明三年乃成婚妃稟性淫亂南郡王所與無賴人游妃擇其美者皆與交歡南郡王侍書人馬澄年少色美甚為妃悅常與鬪腕較力南郡王以為歡笑澄者本剡縣寒人嘗於南岸逼略人家女為秣陵縣所錄南郡王語縣散遣之澄又逼求姨女為妾姨不與澄詣建康令沈徽孚訟之徽孚曰姨女猶是寒賤政可為妾耳徽孚訶而遣之十一年為皇太

孫妃又有女巫子楊珉之亦貌美妃尤愛之與同寢處如僮儷及太孫即帝位為皇后封后嫡母劉為高昌縣都鄉君所生母宋為餘杭廣昌鄉君后將拜鏡在牀無因墮地其冬與太后謁太廟楊珉之為帝所幸常居中侍明帝為輔與王晏徐孝嗣王廣之並面請不聽又令蕭詵坦之固請時后與帝同席坐流涕覆面謂坦之曰楊郎好年少無罪過何可枉殺坦之耳語帝曰此事別有一意不可令聞帝謂后為阿奴曰阿奴奴暫去坦之

乃曰外間並云楊珉之與皇后有異情彰聞遐邇帝不  
得已乃為勅坦之馳報明帝即令建康行刑果有勅原  
之而珉之已死后既淫亂又與帝相愛衰故帝恣之又  
迎后親戚入宮嘗賜人百數十萬以武帝曜靈殿處后  
家屬帝廢后貶為王妃父載有傳

海陵王妃諱韶明琅邪臨沂人太常慈之女永明八年  
納為臨沂公夫人鬱林王即位為新安王妃延興元年  
為皇后其年降為海臨王妃妃父懸有傳

為皇后其年降為海陵王妃妃父慈有傳

明敬劉皇后諱惠端彭城人光祿大夫道弘孫高帝為  
明帝納之建元三年除西昌侯夫人永明七年卒葬江  
乘縣張山延興元年贈為宣城王妃明帝即位遣尊敬  
皇后贈父通直郎景猷為金紫光祿大夫母王氏平陽  
鄉君明帝崩改葬祔于興安陵

東昏褚皇后諱令璩河南陽翟人太常澄之女建武二  
年納為皇太子妃無寵帝謂左右曰若得如山陰主無

恨矣山陰主明帝長女後遂與亂明年妃謁敬后廟東  
昏即位立為皇后帝寵潘妃后不被遇及遇殺廢后為  
庶人后父澄有傳

東昏潘貴妃名玉兒建康人一日本俞名尼子王敬則  
伎或言宋文帝有潘妃在位三十年於是改氏潘妃有  
國色東昏甚嬖之太子誦所生母黃貴嬪早亡令妃母  
養誦拜貴妃妃嘗乘卧輿東昏騎馬從後莊嚴寺有玉  
九子鈴外國寺佛有光相禪靈寺塔諸寶珥皆剽取施

妃殿飾妃服御極選珍寶主衣庫舊物不復再用貴市  
民間金銀寶物價皆數倍琥珀釧一隻直一百七十萬  
嘗鑿金為蓮花貼地令妃行其上曰此步步生蓮花也  
妃放恣威行遠近父竇慶與諸小人共逞姦毒富人恣  
誣為罪田宅貲財莫不啓乞或云寄附隱蔽復加收沒  
計一家見陷禍及親隣又慮後患男口必殺先是明帝  
崩東昏竟不一日蔬食居處衣服無改平常及妃生女  
百日亡乃制齊哀經杖衣悉籠布郡小來弔盤旋地坐



舉手愛執蔬膳積旬不聽音伎左右直長閹豎王寶孫  
諸人共營餽羞云為天子解菜又於苑中立店肆模大  
市日游市中雜所貨物與宮人閹豎共為禪販以妃為  
市令自為市吏錄事將鬪者就妃罰之東昏小有得失  
妃則與杖乃敕虎賁威儀不得進大荆子閤內不得進  
實中荻然雖畏妃而竊與諸姊妹淫通每游走妃乘小  
輿宮人皆露禪著綠絲屨東昏自戎服騎馬從後又開  
渠立埭躬自引船埭上設店坐而屠內時百姓歌云閹

武堂種楊柳至尊屠肉潘妃沽酒及東昏遇害梁武欲  
納妃從諫而止乃以賜軍主田安妃不從泣曰昔上遇  
時主今宜下匹非類遂自縊潔美如生與吏皆行淫穢  
潘妃自縊事見本史王茂傳然亡齊者此妖也故於  
東昏紀及茂傳內摘出另為傳倣馮小憐張麗華例  
雖然玉兒不伍小憐矣以猶能獨死又梁武本紀云  
帝收嬖妾潘妃誅之恐非實錄

和帝王皇后諱萍華琅琊臨沂人太尉儉孫女初為隨

王妃中興元年立為皇后帝禪位降為已陵王妃祖儉  
有傳

南北史合注卷十二

欽定四庫全書

南北史合注卷十三

明 李清 撰

南史十三

武帝武皇后

阮脩容

少主張后

丁貴妃

簡文王皇后

孝元徐妃

敬帝母夏太后

王皇后

昭明蔡皇后

宣帝母龔太后

王皇后

孝明母曹太妃

后缺

陳武帝章皇后

文帝沈皇后

廢帝王皇后

宣帝柳皇后

後主沈皇后

張貴妃

梁文獻張太后諱尚柔范陽方城人父穆之娶文帝從  
姑而生后后以宋元嘉中壙於文帝生長沙王懿永陽

王敷次生武帝方孕忽見庭前菖蒲花光采非常驚報侍者皆云不見后曰常聞見自花當富貴因取吞之是月生武帝

冊府元龜曰南齊有御史黃文濟其家庭前種菖蒲忽生花光影照壁成五彩其兒見之餘人不見少時文濟被殺 愚按是花之開其妖祥不常如此故附錄於後以成世之不脩德而譴瑞者

將產夕后見庭內若有衣冠陪列次生衛陽王暢義興

長公主令嫿后宋泰始七年殂於秣陵縣同夏里舍葬  
晉陵武進縣東城里山天監元年五月甲辰追上尊號  
為王后諡文獻父穆之晉司空華六世孫少方雅有識  
鑒初為員外散騎侍郎深被始興王濬引納穆之鑒其  
禍萌求外出為交趾太守政有異績宋文帝將以為交  
州刺史會病卒梁武踐祚追贈穆之光祿大夫加金章  
紫綬穆之及孫而絕從父弟弘策以子纘嗣別有傳  
武德邨皇后諱徽高平金鄉人父粲太子舍人早喪后

母宋文帝女尋陽公主方娠夢當生貴子及后生有赤  
光照室器物盡明家人怪之巫言此女光高將有所妨  
乃於水濱祓除之后幼明慧善隸書讀史傳女工無不  
閑習宋后廢帝將納為后齊初安陸王緬又紅結婚郝  
氏並辭以女疾乃止齊建元末嬪于武帝生永興公主  
玉姚永世公主玉婉永庸公主玉環及武帝為雍州刺  
史殂于襄陽官舍年三十二其年歸葬武進縣東城里  
山中興二年武帝為梁公詔贈后為梁公妃及踐阼追



崇為皇后諡曰德陵曰脩陵后父罽贈金紫光祿大夫  
后酷妬及終化為龍

愚按都之妬安能化龍想當時諱言蛇耳

入後宮通夢於帝或見形光彩照灼帝體將不安龍輒  
激水騰涌於露井上為殿衣服委績常置銀鹿盧金瓶  
灌百味以祀之故帝卒不置后

武丁貴嬪諱令光譙國人祖父從官襄陽因居河北五  
女村寓居劉惠明廡下貴嬪生於樊城初產有神光之

異紫氣滿室故以光為名相者云當大貴少時與鄰女  
月下紡績諸女並患蚊蚋獨貴嬪弗覺鄉人魏益德將  
聘之未及成而武帝鎮樊城嘗登樓望見漢濱五采如  
龍下有女子孳統則貴嬪也丁氏因以相者言帝帝贈  
以金環納之時年十四貴嬪生有赤痣在左臂療之不  
滅又體多疣子無何並失所在德后酷忌遇貴嬪無道  
使日舂五斛舂每中程若有助者被遇雖嚴益小心祇  
敬嘗於供養經案側髻髻若見神人獨異之貴嬪生昭

明簡文廬陵王天監元年五月有司奏為貴人未拜其  
年八月又奏初貴嬪居顯陽殿及太子定位有司奏曰  
皇太子副貳宸極率土咸執吏禮既盡禮皇儲則所生  
不容無敬王后妃主常得通信通者及六宮三夫人雖  
與貴嬪同列並應以敬皇太子禮敬貴妃宋元嘉中始  
興武陵國臣並敬王所生潘淑妃路淑媛貴嬪於宮臣  
雖非小君其義不異與宋秦豫朝議百官以吏敬帝  
所生事議政同謂宮僚施敬敬宜吏部詣神虎門奉饒

致謁年節稱慶亦同且儲妃作配率由盛則以婦踰姑  
彌幸從序謂貴嬪典章一與太子不異於是貴嬪備典  
章禮數同太子言則稱令貴嬪性仁恕及居宮接馭自  
下皆得其歡心器服無珍麗未嘗為親戚私謁及武帝  
弘佛教貴嬪常進蔬膳受戒日甘露降殿前方一丈五  
尺帝所立義皆得其指歸尤精淨名經普通七年十一  
月庚辰薨移殯東宮臨雲殿年四十二詔吏部郎張纘  
為哀冊文

梁書載辭曰軒緯之精江漢之英歸與君袂生此離  
明誕自厥初時維載育樞電繞郊神光照屋爰及待  
年含章早穆聲被洛陽譽宣中谷龍德在田聿恭茲  
祀陰化代終王風攸始動容諮式出言顧史宜其家  
人刑於國紀膺斯春命從此宅心狄緩米珩佩動雅  
音日中思戒月滿懷箴如何不跼天高照臨玄統莫  
修禋章早缺成物誰能芳猷有烈素魄貞明紫宮炤  
晰逮下靡傷思賢罔蔽躬儉則節昭事惟虔金玉無

玩筐宮不捐祥流德化慶表親賢甄昌軼啟孕魯陶  
燕方論婦教明章閭帝玄池早高湘沅已窅辰衣安  
華朱憤寢迹慕結儲闡哀深藩辟嗚呼哀哉命龜兆  
良葆引遷祖具僚次列承華接武日杳杳以靈春風  
淒淒而結緒去曾掖以依違飾新宮而延佇嗚呼哀  
哉啟丹旗之星飾振容車之黼裳擬靈金而營楚泛  
悽管而凝傷遺備物手營寢掩重閣於室皇椒風暖  
兮猶昔蘭殿幽而不陽嗚呼哀哉側闈高義彤管有

擇道變虞風功參唐跡婉如之人休光赤烏施諸天地而無朝夕嗚呼哀哉

有司載謚曰穆葬寧陵祔于小廟簡文即位追崇曰太后貴嬪父道遷天監初為歷陽太守廬陵王生帝謂之曰賢女復育一男答曰莫道猪狗子世以為笑後位充州刺史宣城太守

文宣阮太后諱令羸會稽餘姚人本姓石初為齊始安王遙光所納遙光敗入東昏東建康城平為武帝采女

在孕夢龍罩其牀天監六年八月生孝元於後宮是日  
大赦尋拜為脩容賜姓阮字嘗隨孝元出藩大同六年  
六月薨於江州正寢年六十七其年十一月歸葬江寧  
縣通望山謚曰宣孝元即位有司奏追崇為文宣太后  
還祔小廟承聖二年追贈太后父齊故奉朝請石靈寶  
散騎常侍左衛將軍封武康縣侯母陳氏武康侯夫人  
簡文王皇后諱靈嬪瑯邪臨沂人祖儉齊太尉南昌文  
憲公父審金紫光祿大夫南昌安侯后幼而柔明叔父



卷十三  
陳見之曰吾家女師也天監十一年拜晉安王妃生哀  
太子大器南郡王大連長山公主妙碧大通三年十月  
拜皇太子妃太清三年三月薨于永福省年四十五其  
年簡文即位追崇為皇后諡曰簡大寶元年九月葬莊  
陵

少主張皇后為豫章王妃王即位立為皇后後不知所  
終

孝元帝徐妃諱昭佩東海郟人祖孝嗣齊太尉枝江文

忠公父緄侍中信武將軍妃以天熙十六年十二月拜  
相東王妃生世子方等益昌公主含貞妃無容質不見  
禮帝三二年一入房妃以帝眇一目每知帝將至必為  
半緇靛以俟帝見則大怒而出妃性嗜酒多洪醉帝還  
房必吐衣中與荊州後堂瑤光寺智遠道人私通又酷  
妬見無寵之妻便交杯接生纔覺有娠即手加以刃帝  
左右暨季江有姿容又與淫通季江每歎曰栢直狗雖  
老猶能獵蕭溧陽馬雖老猶駿徐娘雖老猶尚多情時

有賀徽者美色妃要之普賢尼寺書白角枕為詩相贈  
答既而貞惠世子方諸母王氏寵愛未幾終孝元歸咎  
於妃及方等死愈見疾太清三年逼令自殺妃知不免  
投井死帝以屍還徐氏謂之出妻葬江陵瓦官寺帝制  
金樓子述其淫行初妃嫁夕車至西州疾風大起發屋  
折木無何雪霰交下帷簾皆白及長還之日又大雷震  
西州廳事兩柱俱碎帝以為不祥後果不終婦道

敬夏太后會稽人普通中納于湘東王宮生敬帝承聖

元年冬拜晉安王國太妃紹泰元年尊為太后明年冬降為江陰國太妃

敬王皇后瑯邪臨沂人承聖元年十一月拜晉安王妃紹泰元年十月拜皇后明年降為江陰王妃父僉自有傳

昭德蔡皇后昭明太子妃宣帝嫡母薨謚敬妃少主棟立追尊敬皇后宣帝天定元年追謚明德

元龔元后天監中為昭明太子保林生宣帝天定元年

尊為皇太后天保元年尊為太皇太后夏五月崩諡曰元太后

宣靜王皇后先為宣帝妃大定元年立為皇后天保元年尊為皇太后二年春正月崩諡曰宣靜皇后

孝曹太妃先為宣帝嬪生孝明帝天保元年尊為皇太妃秋九月薨諡曰孝皇太妃

孝明後主后缺

陳武宣章皇后諱婁兒吳興烏程人本姓丘父景明為章氏所養因從其姓后母蘇嘗遇道士以小龜遺已先

采五色白三年有徵及期后生紫光照室失龜所在少  
聰慧美容儀手爪長五寸色並紅白每有期功服則一  
爪先折武帝先娶同郡錢仲方女早卒後乃聘后后善  
書計能誦詩及楚辭帝為長城縣公后拜夫人永定元  
年立為皇后追贈后父梁散騎侍郎景明特進金紫光  
祿大夫加金章紫綬拜后母蘇安吉縣君二年安吉君  
卒與后父葬吳興明年追封后父廣德縣侯諡曰溫武  
帝崩后與中書舍人蔡景歷定計秘不發喪時衡陽王

昌未至召文帝及即位尊后為皇太后宮曰慈訓廢帝  
即位后為太皇太后光大二年后下令廢帝為臨海王  
命孝宣嗣立太建元年復為皇太后二年三月丙申崩  
於紫極殿年六十五遺令喪事並從儉約諸饋奠不用  
牲牢其年四月上諡曰宣祔葬萬安陵后親族無在朝  
者唯本族元鈕洽官至中散大夫

文沈皇后諱妙容吳興武康人父法深梁安前中錄事  
參軍后年十歲餘以梁大同中歸文帝武帝討侯景文

帝時在吳興及后並被收景平獲免武帝踐阼后為臨川王妃文帝即位為皇后追贈侯父法深光祿大夫加金章紫綬封建城縣侯諡曰恭追贈侯母高為綏安縣君諡曰定廢帝即位尊后為皇太后宮曰安德時孝宣與僕射到仲舉舍人劉師知等並受遺輔政師知與仲舉恒居禁中參決衆事而孝宣為揚州刺史與左右三百人入居尚書省師知忌孝宣權重矯敕令還東府理州務孝宣將出毛喜止之曰今若出外便受制于人如



曹奐作富家公不得已也孝宣乃稱疾乃師知留與語使毛喜先入言於后后曰今伯宗年幼政事並委二郎此非我意喜又言於廢帝曰此自師知等所為非為非朕意也喜出報孝宣因因師知自入見石及帝極陳師知短仍自草敕請畫以師知付廷尉獄其夜賜死自是政歸孝宣后憂悶無計乃密賂宦者蔣裕令誘建安人張安國使據郡起兵莫因此圖孝宣安國事發被害時石左右近侍頗知其事石恐連逮黨與並殺之孝宣即

位以后為文皇后陳亡入隋大業初自長安歸江南項  
之殂

廢帝王皇后琅邪臨沂人天嘉元年為皇太子妃廢帝  
即位為為皇后廢帝為臨海皇后廢為妃至德中薨后  
生臨海嗣王至澤光大元年為皇太子太建元年襲封  
臨海王陳亡入長安后父固有傳

宣柳皇后諱敬言河東解縣人曾祖世隆祖世隆祖憚  
父愷並有傳后九歲幹理家事有若成人侯景之亂后

與弟盼往江陵依梁元帝元帝以后母長城公主故待  
遇厚甚以配孝宣承聖二年后生後主於江陵及魏克  
江陵遷孝宣於關右后與後主俱留穰城天嘉二年與  
後主還朝后為安城王妃孝宣即位立為皇后后美姿  
容身長七尺二寸手垂過膝初孝居鄉里先娶吳興錢  
氏及即位拜貴妃甚有寵后傾心下之每尚方供奉上  
者皆推貴妃而已御其次孝宣崩始興王叔陵為亂後  
後主右與吳媪救僅免後主又國遭大喪後主患創不

能聽政其誅叔陵供大行喪事邊境防守及百司衆務  
雖假後主敕實皆決於后後主創愈乃歸政后性謙謹  
未嘗以宗族為請雖衣食亦無所分道陳亡入長安隋  
大業十二年薨于東都年八十三葬洛陽卬山

後主沈皇后諱姿華吳興武康人父君理自有傳后母  
即武帝女會稽穆公主也早亡時后尚幼毀瘠過甚及  
服畢每歲時朔望恒獨坐涕泣哀動左右太建三年拜  
為皇太子妃後主即位立為皇后后性端靜有識量寡

嗜欲聰敏強記涉獵經史工書翰後主在東宮而后父君理卒居憂處別宮哀毀逾禮後主遇后既薄

本事詩曰后以張貴妃寵經年不得御後主暫入即還故后有誰言不相憶見罷倒成羞之句

而張貴妃有寵總後宮政后澹然未嘗忌怨而身居儉約衣服無錦綉之飾左右近侍纔百許人唯尋閱圖史及釋典為事嘗遇歲旱自暴而誦佛經應時雨降無子養孫姬子皆為己子數上書諫爭後主將廢之立張貴

妃會國亡不果乃與後主俱入長安及後主殂后自為  
哀辭文甚酸切隋煬帝每巡幸恒令從駕及被弑后自  
廣陵過江於毘陵天靜寺為尼名觀音貞觀初幸

張貴妃名麗華兵家女父兄以織蓆為業後主為太子  
以選入宮時龔貴嬪為良娣貴妃纔十歲為之給使後  
主見而悅之因得幸遂有娠生太子深後主即位拜貴  
妃性聰慧甚被寵遇後主始以始興王叔陵之亂被傷  
卧于承香殿時諸姬並不得進唯貴妃獨特而柳太后

猶居百梁殿即皇后正殿也沈后素無寵不得侍疾別居求賢殿至德二年乃於光昭殿前起臨春結綺望仙三閣高數十丈並數十間其窓牖壁帶縣楣欄檻之類皆以沈檀香為之又飾以金玉間以珠翠外施珠簾內有寶牀寶帳其服玩之屬瑰麗皆近古未有每微風暫至香聞數百里朝日初照光映後庭其下積石為山引水為池植以奇樹雜以花藥後主自居臨春閣張貴妃居結綺閣龔孔二貴嬪居望仙閣並複道交相往來又

有王季二美人張薛二淑媛袁昭儀何婕妤江脩容等  
七人並有寵逸代以遊其上以宮人有文學者袁大捨  
等為女學士後主每引賓客對貴妃等游宴則使諸貴  
人及女學士與狎客共賦新詩互相贈答采其尤艷麗  
者為曲調被以新聲選宮女有容色者以千百數習而  
歌之分部迭進持以相樂其曲有玉樹後庭花臨春樂  
等其略云璧月夜夜滿瓊樹朝朝新大抵所歸皆美貴  
妃與孔貴嬪之色貴妃髮長七尺鬢黑如漆其光可鑑



聰慧有神彩進止閑華容色端麗每瞻視眄睐光彩溢  
日照映左右嘗於閣上靚教臨于軒檻宮中遙望飄若  
神僊才辨強記善候人主顏色薦主宮女後宮咸德之  
競言其善又工厭魅術假鬼道以感後主置淫祀宮中  
聚諸女巫使之鼓舞時後主怠於政事百司啟奏並因  
宦者蔡臨兒李善度進請後主倚隱囊置貴妃於膝上  
共決之李蔡所不能記者貴妃皆為疏條無所遺脫因  
參訪外事人間一言一事貴妃必先知白之益加冠異

冠絕後庭而後宮之家有不遵法度絀於理者但求恩  
貴妃貴妃則令李蔡先啟其事方從容言之大臣有不  
從者因譖之言無不聽於是張孔之薰灼四方内外宗  
族都被引用大臣執政亦從風而靡閹宦便佞之徒内  
外交結轉相引進賂賄公行賞罰無常剛紀替亂矣及  
隋軍克臺城貴妃與後主俱入井隋軍出之晉王欲納  
貴妃高穎不可命斬于青溪中

本史作晉王命軹妃讀高穎傳自明今改之

論曰飲食男女人生之大欲存焉故聖人順於人情而為之度是故義篤閭閻政形邦國古先哲王有以之致化矣夫后妃專夕配以德升姬媵並御進非色幸欲使情有覃被愛罔偏流專貞內表妖蠱外息乃可以輔興君德燮理陰政宋氏因晉舊典聘納有方倪天作儷必四岳之後自元嘉以降內職稍繁所選止帷房署徵引極手廝皂非若晉氏采擇濫及冠冕而愛止帷房權無外授戚屬餼資歲時不過有漿斯為美矣文帝傾惑潘姬

謀及婦人大明之淪沒殷姬並后匹嫡其為喪敗甚乎  
齊氏孝昭二后並有賢明之訓惜乎早世不得母臨萬  
國有婦人焉空慕周典高皇受命宮禁殿約衣不文繡  
色無紅采永巷貧空有同素室武帝嗣位運藉休平壽  
昌前興鳳華曉構香栢文檉花梁繡柱雕金鏤玉照燭  
房帷趙瑟吳趨承閑奏曲事由私蓄無損國儲明帝統  
業矯情儉陋奉己之制曾莫云改東昏喪道侈風大扇  
哲婦傾城同符殷夏可以垂誠其在斯乎梁武志在約

已示存宮掖雖丁貴嬪徽華早著誕育元良唯見崇重  
無聞正位徐妃無行其職滅宜哉

後梁叢爾宮壺貞慝莫考其詳

陳武撫茲歸運奄開帝業若夫儷天作則燮隆王化則  
宣太后其懿焉文宣宮壺無聞於喪德後主嗣業實敗  
於椒房既曰牝晨亦唯家之索也

朱明鎬史糾曰李氏南北史諸論割裂成章率爾而  
作剽襲前人無復已筆間或有之僅屬一翫李氏詳

於紀密於傳疎於論其大率也總之作史之體是人  
賢否既具載本傳曰論曰贊曰評胥屬駢枝苟無創  
論別聞與本傳相左右者作傳之後不必作論偉哉  
明末王二公之脩元史也加人一等矣 愚按魏澹  
作魏書已先言論不必作而元史不作論亦出明鑄  
高帝諭史糾偶未及此耳明鑄字昭芑南直崑山人  
高隱不仕

南北史合注卷十三